



REPUBLIKA E SHQIPËRISË

KOMISIONI QENDROR I ZGJEDHJEVE
KOMISIONERI SHTETËROR I ZGJEDHJEVE

Data: 28.2.2024

Nr: 23

Ora: 12:00

VENDIM

PËR

SHQYRTIMIN E REZULTATIT TË VERIFIKIMIT TË PROKURORIT TË PËRGJITHSHËM PËR SUBJEKTIN VETËDEKLARUES Z. DRITAN EMBRUSH SALKURTI, ISH-ANËTAR NË KËSHILLIN E BASHKISË DIBËR, I PROPOZUAR NGA SUBJEKTI ZGJEDHOR “PARTIA SOCIALISTE E SHQIPËRISË”

Sot më datë 28.2.2024, unë Komisioneri Shtetëror i Zgjedhjeve, në seancë publike shqyrtova çështjen me:

Objekt: Shqyrtimi i rezultatit të verifikimit të Prokurorit të Përgjithshëm për subjektin vetëdeklarues Z. Dritan Embrush Salkurti, ish-anëtar në Këshillin e Bashkisë Dibër, i propozuar nga subjekti zgjedhor “Partia Socialiste e Shqipërisë”, në zbatim të ligjit nr. 138/2015 “Për garantimin e integritetit të personave që zgjidhen, emërohen ose ushtrojnë funksione publike”.

Palë të interesuara: Z. Dritan Embrush Salkurti, ish-anëtar në Këshillin e Bashkisë Dibër, i propozuar nga subjekti zgjedhor “Partia Socialiste e Shqipërisë”, për zgjedhjet për organet e qeverisjes vendore të datës 30 Qershor 2019.

Baza ligjore: Nenet 19, pikat 1, shkronja “n” e 2, të ligjit nr. 10019, datë 29.12.2008 “Kodi Zgjedhor i Republikës së Shqipërisë”, të ndryshuar, nenet 90 dhe 95, të ligjit nr. 44/2015, “Kodi i Procedurave Administrative”, i ndryshuar, ligji nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike”, pikat 12 dhe 13 të Kreut V, të vendimit nr. 17/2016, të Kuvendit, “Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike”,

Në përfundim të shqyrtimit administrativ,

VËREJ:

I.

Në zbatim të ligjit nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike” Komisioni Qendror i Zgjedhjeve është organi

Data: 28.2.2024 Nr: 23
Ora: 12:00



“Për shqyrtimin e rezultatit të verifikimit të Prokurorit të Përgjithshëm për subjektin vetëdeklarues z. Dritan Embrush Salkurti, ish-anëtar në Këshillin e Bashkisë Dibër, i propozuar nga subjekti zgjedhor “Partia Socialiste e Shqipërisë”

kompetent për administrimin, verifikimin, zbatimin e ndalimeve për zgjedhjen dhe emërimin për funksionet publike si dhe përpunimin për formularin e vetëdeklarimit për disa subjekte ndër të cilat është edhe “Anëtar Bashkie”.

Në zbatim të këtyre dispozitave, z. Dritan Embrush Salkurti, ish-anëtar në Këshillin e Bashkisë Dibër, më datë 06.01.2023, ka depozituar pranë Komisionit Qendror të Zgjedhjeve, formularin e vetëdeklarimit me nr. 03 unik. KQZ bëri verifikimin “prima facie” dhe pasi konstatoi se kandidati nuk është në kushtet e ndalimit, ndërmori hapat e mëposhtme:

- a. Komisioni Qendror i Zgjedhjeve, nëpërmjet shkresës nr. 201 prot., datë 17.01.2023, ka kërkuar informacion nga Zyra e Gjendjes Gjyqësore, pranë Drejtorisë së Përgjithshme të Burgjeve, e cila nga ana e saj, informon Komisionin Qendror të Zgjedhjeve se subjekti vetëdeklarues z. Dritan Embrush Salkurti, nuk ka të regjistruar dënim penal të formës së prerë në sistem, rezulton i padënuar.
- b. Komisioni Qendror i Zgjedhjeve, nëpërmjet shkresës nr. 200 prot., datë 17.01.2023, ka kërkuar informacion nga Zyra e Gjendjes Civile, pranë Drejtorisë së Përgjithshme të Gjendjes Civile, e cila nga ana e saj informon Komisionin Qendror të Zgjedhjeve, se subjekti vetëdeklarues z. Dritan Embrush Salkurti, rezulton të ketë ndryshuar përbërësin e gjendjes civile, rubrikën e emrit nga “Olsi” në “Dritan”.

II.

Komisioni Qendror i Zgjedhjeve, në zbatim të ligjit nr. 138/2015 “Për garantimin e integritetit të personave që zgjidhen, emërohen ose ushtrojnë funksione publike”, verifikoi të dhënat në formularin e vetëdeklarimit të subjektit vetëdeklarues z. Dritan Embrush Salkurti.

Nga verifikimi i të dhënave në formularin e vetëdeklarimit të z. Dritan Embrush Salkurti, rezulton se ka deklaruar:

- Në rubrikën I. “TË DHËNA PERSONALE”, PIKA B, “Gjenealitetet e mëparshme” të Formularit të Vetëdeklarimit, subjekti vetëdeklarues ka deklaruar gjenealitetet e tij dhe është shprehur se ka ndryshuar emrin nga “OLSI” në “DRITAN”.
- Në rubrikën III. “TË DHËNA MBI GJENDJEN GJYQËSORE TË PERSONIT”, të Formularit të Vetëdeklarimit, pyetjes 4 “A keni qënë ndonjëherë i ndaluar apo arrestuar nga organet ligjzbatuese për kryerjen e një vepre penale”, subjekti vetëdeklarues është përgjigjur “PO” duke deklaruar se: a) Në periudhën Nëntor 2011, është ndaluar nga autoritet greke, në Larisa Greqi, për mungesë dokumentacioni, arsye për të cilën deklaroi se është shpallur i pafajshëm.

Nga konstatimet e mësipërme dhe bazuar në nenin 8, pika 1, të ligjit nr. 138/2015 “Për garantimin e Integritetit të personave që zgjidhen, emërohen ose ushtrojnë funksione publike”, Kreu V, pika 2, shkronja “c”, të Vendimit nr. 17/2016 të Kuvendit “Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015, Komisioni Qendror i Zgjedhjeve me shkresën nr. 342 prot., datë 23.01.2023, vendosi t’ia kalojë rastin për verifikim të thelluar Prokurorisë së Përgjithshme, si institucioni kompetent që kryen verifikimin e plotë të deklarimeve të bëra.

Me shkresën nr. 90/59 ext 25 prot., datë 15.02.2024, Drejtoria e Koordinimit Institucional, Sektori i Dekriminalizimit pranë Prokurorisë së Përgjithshme, ka dërguar në Komisionin Qendror të Zgjedhjeve, vendimin “Për miratimin e rezultatit të verifikimit për subjektin z. Dritan Embrush Salkurti, Prokuroria e Përgjithshme, pas kryerjes së gjithë verifikimeve përkatëse, i konsideron këto të fundit të plota dhe të bazuara në nenin 8, pikat 1 dhe 2, të lidhura me nenin 5

të ligjit nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike” si dhe në përcaktimet e pikës 3 shkronja “ç”, Kreu III dhe pikave 10, 11, 12 e 13 të Vendimit nr. 17/2016 të Kuvendit, ka miratuar rezultatin e verifikimit të subjektit vetëdeklarues z. Dritan Emrush Salkurti, sipas të cilit konstatohet si më poshtë:

- Rezulton të jetë regjistruar në gjendjen civile me emrin e babait Emrush jo Emrush, dhe më datë 20.04.2012. ka ndryshuar rubrikën e emrit nga Olsi në Dritan;
- Nuk rezulton që të jetë dënuar për kryerjen e ndonjë vepre penale me vendim të formës së prerë, nga ndonjë gjykatë shqiptare apo e huaj;
- Nuk rezulton i dënuar me vendim gjyqësor jopërfundimtar nga një autoritet gjyqësor për një çështje penale të pazgjidhur me vendim gjyqësor të formës së prerë;
- Nuk rezulton të ketë qenë në hetim dhe gjykim, nga ndonjë autoritet i drejtësisë i huaj, për kryerjen e një vepre penale;
- Rezulton të ketë qenë i arrestuar me datë 23-01-2013, nga oficerët e policisë së Shërbimit të Drejtorisë së Policisë Larisa, me qëllim që t’i vendosej dëbimi administrativ, duke qenë se ka qëndruar në mënyrë të paligjshme brenda territorit të vendit dhe me datë 17/02/2013 është dëbuar nëpërmjet Departamentit të Kontrollit të Pasaportave Nikis;
- Nuk rezulton t’i jetë caktuar ndonjë masë sigurimi personal ndaj tij;
- Nuk rezulton të jetë lëshuar ndaj tij urdhër kërkimi ndërkombëtar lidhur me kryerjen e ndonjë vepre penale;
- Rezulton që me vendimin nr. 6633/1/582-a', datë 26/06/2013, të Drejtorisë së Policisë Florina, për shtetasin shqiptar Olsi Salkurti, lindur me 26/04/1990 në Rashnapojë, Dibër, Shqipëri, është vendosur masa administrative e dëbimit nga territori i Greqisë, për qëndrim në mënyrë të paligjshme në këtë vend, si dhe i është regjistruar emri në Listën e Personave të Huaj të Padëshiruar dhe në sistemin S.I.S, deri më datë 25/06/2020, për tentativë për të hyrë në territorin e Greqisë duke përdorur pasaportë me vulë false dalëse;
- Me vendimin nr. 6633/1/582-B', datë 17/05/2018, të Drejtorisë së Policisë Florina, për shtetasin shqiptar Olsi Salkurti, lindur me 26/04/1990 në Rashnapojë, Dibër, Shqipëri, është vendosur: Lënien në fuqi të regjistrimit në Listën e Personave të Huaj të Padëshiruar dhe në Sistemin Informativ Shengen (S.I.S) deri më datë 01/05/2019, pasi vazhdon të jenë në fuqi arsyet për të cilat ai është regjistruar.
- Me vendimin nr. 6633/1/582-y', datë 01/04/2019, të Drejtorisë së Policisë Florina, për shtetasin shqiptar Olsi Salkurti, lindur më 26/04/1990 në Rashnapojë, Dibër, Shqipëri, është vendosur: Lënien në fuqi të regjistrimit në Listën e Personave të Huaj të Padëshiruar dhe në Sistemin Informativ Shengen (S.I.S) deri më datë 25/06/2020, pasi vazhdon të jenë në fuqi arsyet për të cilat ai është regjistruar.
- Nuk rezulton të ketë të tjera indicie apo të dhëna a rrethana, fakte të bëra publike apo informacion me qëllim verifikimi të mëtejshëm:
 - Për veprimtari kriminale të kryer jashtë territorit të Republikës së Shqipërisë;
 - Për qënien në hetim ose gjykim nga një autoritet i huaj;
 - Për urdhër kërkimi ndërkombëtar lidhur me kryerjen e ndonjë vepre penale prej tij;
 - Dëbime nga territori i ndonjë shteti jashtë territorit të Republikës së Shqipërisë;
 - Përdorimin e të dhënave personale /gjenealiteteve të tjera.
 -

III.

Komisioneri Shtetëror i Zgjedhjeve, në përfundim të shqyrtimit të dokumentacionit dhe rezultatit të verifikimit të thelluar, të Prokurorit të Përgjithshëm konstaton se:

Ligji nr. 138/2015 dhe vendimi nr. 17/2016 i Kuvendit, përcaktojnë në mënyrë të qartë dhe të detajuar se subjektet kanë detyrimin ligjor të deklarojnë çdo informacion në lidhje me gjenealogjitet e tyre aktuale e të mëparshme, rekordet kriminale brenda dhe jashtë territorit të Republikës së Shqipërisë (vendime dënimi përfundimtare ose jo, hetime penale jashtë territorit të Republikës së Shqipërisë, masa sigurimi personale, vendime dëbimi, ndalime arrestime, hetime, etj).

Z. Dritan Emrush Salkurti, ish-anëtar në Këshillin e Bashkisë Dibër, për zgjedhjet për organet e qeverisjes vendore të datës 30 Qershor 2019, i ka përfunduar mandati i anëtarit të Këshillit Bashkiak dhe për rrjedhojë nuk është subjekt i këtij ligji. Komisioneri nuk mund të shprehet me vendimmarrje për çështjen objekt shqyrtimi, për sa kohë ky subjekt nuk ka mandat, dhe në asnjë rast e për asnjë rrethanë nuk do të mund të marrë këtë funksion publik për të cilin është iniciuar procedura administrative e verifikimit të thelluar. Komisioneri mund të shprehet vetëm kur përmbushen kushtet ligjore të moskandidimit, moszgjedhshmërisë, apo mbarimit të mandatit për rastet e parashikuara në ligjin nr. 138/2015. Në rastin objekt shqyrtimi, në analizë dhe zbatim të nenit 11 të ligjit nr. 138/2015, si dhe neneve 90 dhe 95 të ligjit 44/2015, “Kodi i Procedurave Administrative” vlerësohet se ka humbur objekti dhe qëllimi i procedurës administrative të filluar përpara ditës së zgjedhjeve.

PËR KËTO ARSYE:

Bazuar në nenet 19, pikat 1, shkronja “n” e 2, të ligjit nr. 10019, datë 29.12.2008, “Kodi Zgjedhor i Republikës së Shqipërisë”, të ndryshuar, nenet 90 dhe 95 të ligjit 44/2015 “Kodi i Procedurave Administrative”, ligjin nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike”, pikat 12 dhe 13 të Kreut V, të vendimit nr. 17/2016, të Kuvendit, “Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015, “Për garantimin e integritetit të personave që zgjidhen, emërohen ose ushtrojnë funksione publike”,

V E N D O S:

1. Deklarimin e procedurës administrative të përfunduar dhe pa vendim përfundimtar për subjektin vetëdeklarues z. Dritan Emrush Salkurti, ish-anëtar në Këshillin e Bashkisë Dibër.
2. Ky vendim hyn në fuqi menjëherë dhe publikohet në faqen elektronike zyrtare të Komisionit Qendror të Zgjedhjeve.
3. Kundër këtij vendimi mund të bëhet ankim në Komisionin e Ankimimeve dhe Sanksioneve, brenda 30 (tridhjetë) ditëve nga shpallja e tij.

Komisioneri Shtetëror i Zgjedhjeve

Ilirjan CELIBASHI